

Decreta authentica Congregationis Sacrorum Rituum, N. 3873 Sancti Jacobi de Cile vom 6. September 1895

"Marianus Casanova Archiepiscopus S. Iacobi de Cile Sacrae Rituum Congregationi humiliter exposuit per Decretum ab Ipsa editum die 16 Martii 1861, plures usus, ritualibus Ecclesiae legibus adversos, praetextu longaevae consuetudinis retentos, e sua Archidioecesi ac praesertim ab Ecclesia Metropolitana fuisse sublato. Quum tamen ad Rmum Capitulum Metropolitanum unus Archiepiscopus et duo Episcopi Titulares pertineant; aliquando dubia exoriuntur circa eorum iura ac privilegia. Hinc idem obsequentissimus Archiepiscopus ab eadem Sacra Rituum Congregatione sequentium dubiorum solutionem efflagitavi; nimirum:

Dubium I. Anne Archiepiscopi uti possint chirothecis quum ad Ecclesiam accedunt vel ab ea recedunt, ante et post Missam pontificalem?

Dubium II. Anne Archiepiscopus Missam celebraturus supra planetam gestare queat Crucem pectoralem?

Dubium III. Anne in aliena Dioecesi Episcopi Suffraganei et Titulares mozzetta uti possint?

Dubium IV. Anne iidem pariter in aliena Dioecesi baculum pastorem deferre valeant?

Dubium V. Anne adhibere biretum doctorale cum quatuor apicibus, quod sit coloris violacei, cum flosculo et funiculis rubri coloris?

Dubium VI. An Canonici, etsi dignitate episcopali insigniti sunt, debeant associare Archiepiscopum cappa magna indutum ad Metropolitanam Ecclesiam accedentem, sive ut Missam pontificalem celebret, sive ut Missae ab alio celebrandae assistat?

Et Sacra Rituum Congregatio, referente Secretario exquisitoque volo alterius ex Apostolicarum Caeremoniarum Magistris, omnibus rite perpensis, rescribendum censuit:

Ad I et II. 'Negative; iuxta Caeremoniale Episcoporum et Decreta'.

Ad III. 'Negative, iuxta Decreta; praesertim in Liburnen. 23 Septembris 1848 ad II'.

Ad IV. 'Affirmative, ex permissione Archiepiscopi vel Episcopi Ordinarii loci; et quando tenuerint Ordinationes, consecrationes aliasque functiones, in quibus iuxta regulas libri pontificalis baculo pastoralis uti debent et necesse est, iuxta Caeremoniale Episcoporum (Lib. I, can. 17), et Decretum Bracharen. diei 1 Septembris 1607'.

Ad V. 'Negative, quoad biretum formae doctoralis, iuxta Decretum in Venusina diei 7 Decembris 1844; Affirmative, quoad biretum formae ordinariae ac coloris violacei cum flosculo et funiculis eiusdem coloris,

iuxta privilegium a Sanctissimo Domino nostro Leone Papa XIII
indistincte omnibus Episcopis concessum'.

Ad VI. 'Affirmative; et servetur Decretum Gnesnen. et Posnanien. diei 20
Martii 1869 ad II'.

Atque ita rescriptsit ac servari mandavit

Die 6 Septembris 1895."

Quellen:

Decreta authentica Congregationis Sacrorum Rituum ex actis eiusdem collecta
eiusque auctoritate promulgata sub auspiciis ss. domini nostri Leonis Papae
XIII, Bd. 3, Rom 1900, Nr. 3873, S. 293 f., in: daten.digitale-sammlungen.de/
(Letzter Zugriff am: 17.09.2015).

Empfohlene Zitierweise:

Decreta authentica Congregationis Sacrorum Rituum, N. 3873 Sancti Jacobi de
Cile vom 6. September 1895 , in: 'Kritische Online-Edition der Nuntiaturberichte
Eugenio Pacellis (1917-1929)', Schlagwort Nr. 1244, URL: [www.pacelli-
edition.de/Schlagwort/1244](http://www.pacelli-edition.de/Schlagwort/1244). Letzter Zugriff am: 29.04.2024.